



UNIVERZITET U SARAJEVU - UNIVERSITY OF SARAJEVO
ŠUMARSKI FAKULTET - FACULTY OF FORESTRY

Zagrebačka 20, 71000 Sarajevo, BiH • Tel.: + 387 33 812 490, 812 491; Fax: + 387 33 812 488

Matični broj: 4200494560198 • PDV broj: 200494560007

KS u Sarajevu, Broj rješenja: 065-0-Reg-19-002234

e-mail: info@sfsa.unsa.ba • racunovodstvo@sfsa.unsa.ba • www.sfsa.unsa.ba

-Vijeće fakulteta-

Broj: 01/6-09/26-2

Sarajevo, 08.01.2026. godine

ZAPISNIK

**SA IV. REDOVNE SJEDNICE VIJEĆA UNIVERZITETA U SARAJEVU - ŠUMARSKOG
FAKULTETA ODRŽANE 08.01.2026. GODINE SA POČETKOM U 14:00 SATI**

Prisutni članovi:

prof. dr. Besim Balić, prof. dr. Mersudin Avdibegović, prof. dr. Muhamed Bajrić, prof. dr. Nedžad Bašić, prof. dr. Dženan Bećirović, prof. dr. Faruk Bogunić, prof. dr. Azra Čabaravdić, prof. dr. Sabina Delić, prof. dr. Mirza Dautbašić, mr. Prljača Damir, prof. dr. Dino Hadžidervišagić, prof. dr. Alma Hajrudinović-Bogunić, prof. dr. Velid Halilović, prof. dr. Emira Hukić, prof. dr. Sead Ivojević, doc. dr. Jelena Knežević, mr. Ehlimana Pamić (predstavnik asistenata), prof. dr. Ahmet Lojo, doc. dr. Mirzeta Memišević Hodžić, prof. dr. Osman Mujezinović, prof. dr. Jusuf Musić, prof. dr. Fatima Pustahija, prof. dr. Dževada Sokolović, mr. Amila Brajić Kezija (predstavnik viših asistenata), prof. dr. Tarik Treštić, prof. dr. Ćemal Višnjjić i prof. dr. Sead Vojniković.

Opravdano odsutni članovi:

Prof. dr. Zahida Ademović, prof. dr. Admir Avdagić, prof. dr. Aida Ibrahimspahić, doc. dr. Bruno Marić, i Emina Uzunović (predstavnik stručnog nastavnog osoblja).

Neopravdano odsutni članovi:

Prof. dr. Dalibor Ballian, Mirjem Alagić (student prodekan), Anes Haračić (predstavnik studenata II ciklusa studija) i Medina Džinović (predstavnik studenata I ciklusa studija).

Ostali:

Delila Salihović – Mr. iur / Sekretar Fakulteta, Aldijana Bilajac - dipl.iur / viši stručni saradnik za pravne, administrativne i opšte poslove.

Sjednica je počela u 14:00 h.

Konstatovano je da na današnjoj sjednici prisustvuje 27 članova Vijeća fakulteta te da se mogu donositi punovažne odluke po dnevnom redu. Sjednicom je predsjedavao prof. dr. Besim Balić, dekan Univerziteta u Sarajevu - Šumarskog fakulteta, na osnovu čije je saglasnosti, u skladu sa članom 9. stav (3) i članom 14. Poslovnika o radu Univerziteta u Sarajevu, članovima Vijeća fakulteta dostavljen putem e-maila poziv za održavanje IV. redovne sjednice Vijeća fakulteta zakazane za 08.01.2026. godine.

Sa Dnevnog reda je povučena 9. tačka (imenovanje novih članova uredništva časopisa SEEFOR), te je dnevni red usvojen jednoglasno i razmatran sljedeći:

DNEVNI RED :

1. Razmatranje zapisnika sa III. redovne sjednice Vijeća Univerziteta u Sarajevu - Šumarskog fakulteta održane dana 04.12.2025. godine;
2. Razmatranje zapisnika sa II. elektronske sjednice Vijeća Univerziteta u Sarajevu - Šumarskog fakulteta održane dana 11.12.2025. godine;
3. Razmatranje prijedloga za promjenu članova Vijeća fakulteta, ispred reda studenata, imenovanje predstavnika studenata II ciklusa studija na Univerzitetu u Sarajevu - Šumarskom fakultetu, broj: 01/1-4217/25 od 29.12.2025. godine;
4. Razmatranje prijedloga za promjenu članova Vijeća fakulteta, ispred reda studenata, imenovanje predstavnika studenata III ciklusa studija na Univerzitetu u Sarajevu - Šumarskom fakultetu, broj: 01/1- 4216/25 od 29.12.2025. godine;
5. Razmatranje Izvještaja o radu uredništva i redakcije časopisa „Radovi Šumarskog fakulteta Univerziteta u Sarajevu“ za drugu polovinu 2025.godine, broj: 01/1-4233/25 od 29.12.2025. godine;
6. Razmatranje Izvještaja o realizaciji terenske nastave u zimskom semestru akademske 2025 – 2026. godine, broj: 01/1-4256/25 od 31.12.2025. godine;
7. Razmatranje Izvještaja Komisije o podobnosti teme doktorske disertacije i kandidata mr. Tatjana Nišić, broj: 01/1-4121/25 od 19.12.2025. godine;
8. Razmatranje prijedloga za izmjenu sastava članova Komisije Odbora za kvalitet na Univerzitetu U Sarajevu - Šumarskom fakultetu, broj: 01/1-16/26, 01/1-16/26-2, 01/1-15/26 i 01/1-15/26-2;
9. Razmatranje zapisnika sa III. elektronske sjednice Vijeća Univerziteta u Sarajevu - Šumarskog fakulteta održane dana 06.01.2026. godine;
10. Informacije.

TOK SJEDNICE:

Ad-1.

Članovi Vijeća Univerziteta u Sarajevu - Šumarskog fakulteta usvojili su jednoglasno Zapisnik sa III. redovne sjednice Univerziteta u Sarajevu - Šumarskog fakulteta od dana 04.12.2025. godine.

Ad-2.

Članovi Vijeća Univerziteta u Sarajevu - Šumarskog fakulteta usvojili su jednoglasno Zapisnik sa II. elektronske sjednice Univerziteta u Sarajevu - Šumarskog fakulteta od dana 11.12.2025. godine.

Ad-3.

Na osnovu člana 68. stav (2) tačka d) i 69. Zakona o visokom obrazovanju („Službene novine Kantona Sarajevo“ broj: 36/22 i 28/25), na osnovu Odluke o razrješenju i imenovanju predstavnika studenata III. ciklus studija za Vijeće fakulteta od strane Asocijacije studenata Šumarskog fakulteta broj: 01-4217/25 od 29.12.2025.godine Vijeće Univerziteta u Sarajevu - Šumarskog fakulteta, na svojoj IV. redovnoj sjednici Vijeća održanoj 08.01.2026. godine, donijelo je jednoglasno *s l j e d e ć u*

ODLUKU
o imenovanju predstavnika studenata II ciklusa studija za Vijeće fakulteta

I

Imenuje se za predstavnika studenata za II ciklusa studija za Vijeće fakulteta :

Amina Zorlak, student II ciklusa, odsjek Šumarstvo

Email adresa: aminazorlak1@gmail.com

II

Mandat članova Vijeća fakulteta iz reda studenata koje predlaže Asocijacija studenata Šumarskog fakulteta traje jednu (1) godinu.

Obrazloženje

Odlukom Vijeća broj: 01/6-66/25 od dana 09.01.2025.godine, imenovan je za predstavnika studenata II ciklusa studija na Univerzitetu u Sarajevu - Šumarskom fakultetu Anes Haračić, na period mandata od jednu godinu. Istekom mandata u skladu sa Zakonom o visokom obrazovanju i Statutom Univerziteta u Sarajevu, a na osnovu prijedloga Asocijacije studenata Šumarskog fakulteta i Odluke o razrješenju i imenovanju predstavnika studenata za II ciklus studija Univerziteta u Sarajevu - Šumarskog fakulteta, donesena je Odluka kao u dispozitivu.

Ad-4.

Na osnovu člana 68. stav (2) tačka d) i 69. Zakona o visokom obrazovanju („Službene novine Kantona Sarajevo“ broj: 36/22 i 28/25), na osnovu Odluke o razrješenju i imenovanju predstavnika studenata III ciklus studija za Vijeće fakulteta od strane Asocijacije studenata Šumarskog fakulteta broj: 01-4216/25 od 29.12.2025.godine Vijeće Univerziteta u Sarajevu - Šumarskog fakulteta, na svojoj IV. redovnoj sjednici Vijeća održanoj 08.01.2026. godine, donijelo je jednoglasno *s l j e d e ć u*

ODLUKU
o imenovanju predstavnika studenata III ciklusa studija za Vijeće fakulteta

I

Imenuje se za predstavnik studenata za III ciklusa studija za Vijeće fakulteta :

Damir Prljača, student III ciklusa, odsjek Šumarstvo

Email adresa: d.prljaca@sfsa.unsa.ba

II

Mandat članova Vijeća fakulteta iz reda studenata koje predlaže Asocijacija studenata Šumarskog fakulteta traje jednu (1) godinu.

Obrazloženje

Odlukom Vijeća broj: 01/6-67/25 od dana 09.01.2025.godine, imenovan je za predstavnika studenata III ciklusa studija na Univerzitetu u Sarajevu - Šumarskom fakultetu mr. Damir Prljača, na period mandata od jednu godinu. Istekom mandata u skladu sa Zakonom o visokom obrazovanju i Statutom Univerziteta u Sarajevu, a na osnovu prijedloga Asocijacije studenata Šumarskog fakulteta za produženje mandata predstavnika studenata za III ciklus studija Univerziteta u Sarajevu - Šumarskog fakulteta, donesena je Odluka kao u dispozitivu.

Ad-5.

Na osnovu člana 69. Zakona o visokom obrazovanju ("Službene novine Kantona Sarajevo", broj: 36/22 i 28/25), člana 111. Statuta Univerziteta u Sarajevu (broj: 01-14-35-1/23 od 26.07.2023. godine, izmjene broj: 01-13-121-1/24 od 17.07.2024. godine, 01-14-19/25 od 26.11.2025. godine), a u vezi sa članom 9. Pravilnika o radu

uredništva i redakcije časopisa "Radovi Šumarskog fakulteta Univerziteta u Sarajevu", Vijeće Univerziteta u Sarajevu - Šumarskog fakulteta, na svojoj IV. redovnoj sjednici održanoj 08.01.2026. godine donijelo je jednoglasno sljedeću

ODLUKU

I

Usvaja se Izvještaj o radu uredništva i redakcije časopisa "Radovi Šumarskog fakulteta Univerziteta u Sarajevu" zaprimljen pod brojem: 01/1-4233/25 od 29.12.2025. godine za drugu polovinu 2025.godine.

II

Ova Odluka stupa na snagu danom donošenja.

Obrazloženje

Prema članu 9. Pravilnika o radu uredništva i redakcije časopisa "Radovi Šumarskog fakulteta Univerziteta u Sarajevu" dostavljen je Izvještaj o radu uredništva časopisa za drugu polovinu 2025.godine pod brojem: 01/1-4233/25 od 29.12.2025. godine. U navedenom izvještaju Uredništvo časopisa navelo je sve aktivnosti koje su poduzete u navedenom periodu. U skladu sa navedenim odlučeno je kao u dispozitivu.

Ad-6.

U skladu sa članom 69. Zakona o visokom obrazovanju Kantona Sarajevo („Službene novine Kantona Sarajevo“, broj: 36/22 i 28/25), a u skladu sa Pravilima studiranja za I, II, ciklus studija, integrirani, stručni i specijalistički studij na Univerzitetu u Sarajevu, Vijeće Univerziteta u Sarajevu - Šumarskog fakulteta je na svojoj IV. redovnoj sjednici održanoj dana 08.01.2025. godine, jednoglasno usvojilo *sljedeću*

ODLUKU

I

Usvaja se Izvještaj o realizaciji terenske nastave u zimskom semestru na odsijecima Šumarstvo i Hortikultura akademske 2025 - 2026. godine, broj: 01/1- 4256/25 od 31.12.2025. godine.

II

Ova Odluka stupa na snagu danom donošenja.

Objasnenje

Vijeću Univerziteta u Sarajevu – Šumarskog fakulteta dostavljen je Izvještaj o realizaciji terenske nastave u zimskom semestru akademske 2025 - 2026. godine, broj: 01/1- 4256/25 od 31.12.2025. godine. Vijeće Univerziteta u Sarajevu - Šumarskog fakulteta ih je kao takve na sjednici održanoj 08.01.2026. godine razmatralo i usvojilo, te je donesena Odluka kao u dispozitivu.

Ad-7.

Na osnovu člana 69. stav 1. Zakona o visokom obrazovanju Kantona Sarajevo („Službene novine Kantona Sarajevo broj: 36/22 i 28/25), člana 111. Statuta Univerziteta u Sarajevu (broj: 01-14-35-1/23 od 26.07.2023. godine, izmjene broj: 01-13-121-1/24 od 17.07.2024. godine, 01-14-19/25 od 26.11.2025. godine) i člana 32. stav 3. Pravila studiranja za treći ciklus studija na Univerzitetu u Sarajevu - doktorski studij broj: 01-1101-79-1/18 od 19.12.2018. godine (broj: 01-3-40/19 od 30.01.2019. godine) i Odlukom o Izmjenama i dopunama Pravila studiranja za treći ciklus studija na Univerzitetu u Sarajevu broj:01-1101-79-1/18 od 19.12.2018. godine sa

pripadajućim izmjenama i dopunama (broj: 01-20-142/21 od 24.11.2021. godine), Vijeće Univerziteta u Sarajevu - Šumarskog fakulteta je, na IV. redovnoj sjednici održanoj 08.01.2026. godine, donijelo jednoglasno sljedeću

ODLUKU

I

Usvaja se Izvještaj Komisije za ocjenu podobnosti teme doktorske disertacije pod naslovom: „**Rizik od zagađenja tla polihlorovanim bifenilima u gradu Banja Luka**“ („**Risk of soil pollution by polychlorinated biphenyls in the city of Banja Luka**“) i kandidata **Mr Tatjana Nišić**, broj: 01/1-4121/25 od 19.12.2025. godine, podnesen od strane Komisije za ocjenu i odbranu projekta, radne verzije i doktorske disertacije kandidatkinje **Mr Tatjane Nišić**.

II

Utvrđuje se da je predložena tema podobna za izradu doktorske disertacije u okviru studijskog programa Šumarstvo.

III

Odluka se dostavlja Senatu Univerziteta u Sarajevu na dalju proceduru.

IV

Odluka stupa na snagu danom donošenja.

Objasnenje

Komisija za ocjenu i odbranu projekta, radne verzije i doktorske disertacije kandidatkinje **Mr Tatjane Nišić** u podnijela je Izvještaj o podobnosti doktorske disertacije i kandidatkinje **Mr Tatjane Nišić**, broj: 01/1-4121/25 dana 19.12.2025. godine. U skladu sa članom 32. stav 3. Pravila studiranja za treći ciklus

studija na Univerzitetu u Sarajevu - doktorski studij (broj: 01-1101-79-1/18 od 19.12.2018. godine), Komisija Univerziteta sačinjava izvještaj o projektu doktorske disertacije, u kojem obavezno navodi i ocjenu podobnosti kandidata i teme dokorskog rada i dostavlja ga putem vijeća studija i vijeća organizacione jedinice Senatu Univerziteta. Nakon što vijeće studija, organizacione jedinice i Senat Univerziteta donesu odluku o prihvatanju izvještaja Komisije Univerziteta, doktorant može početi realizaciju projekta doktorske disertacije. Vijeće fakulteta je na IV. redovnoj sjednici razmotrilo Izvještaj i predložilo prihvatanje istog. Na osnovu navedenog donesena je odluka kao u dispozitivu.

Ad-8.

Na osnovu člana 69. stav (1) tačka a) i 69. Zakona o visokom obrazovanju („Službene novine Kantona Sarajevo“ broj: 36/22 i 28/25), u skladu sa Pravilnikom o sistemu osiguranja i upravljanja kvalitetom na Univerzitetu u Sarajevu (broj: 02-19- od 25.01.2019. godine) i prijedloga za imenovanje dostavljenog od predlaže Asocijacija studenata Šumarskog fakulteta (broj: 01/1-16/26, 01/1-16/26-2, 01/1-15/26 i 01/1-15/26-2), na svojoj IV. redovnoj sjednici Vijeća održanoj 08.01.2026. godine, donijelo je jednoglasno *sljedeću*

ODLUKU **o izmjeni i dopuni sastava članova Komisije Odbora za kvalitet na** **Univerzitetu u Sarajevu - Šumarskom fakultetu**

I

Komisiju čine sljedeći članovi:

1. Prof. dr. Dženan Bećirović - predsjednik Odbora za kvalitet,
2. Prof. dr. Velid Halilović - predstavnik Uprave Fakulteta,
3. Prof. dr. Admir Avdagić - predstavnik akademskog osoblja,
4. Prof. dr. Nedžad Bašić - predstavnik akademskog osoblja,
5. Prof. dr. Sead Ivojević - predstavnik akademskog osoblja,
6. Mr. Naida Gadžo - predstavnik akademskog osoblja,
7. Mr. Kanita Botulja - predstavnik administrativnog osoblja,
8. Elma Gondžo - predstavnik studenata II ciklusa studija,
9. Medina Puriš - predstavnik studenata I ciklusa studija.

II

Mandat članova Komisije Odbora za kvalitet iz reda studenata koje predlaže Asocijacija studenata Šumarskog fakulteta traje jednu (1) godinu, a kako je protekla godina dana od imenovanja predstavnika studenata Pljevljak Larise za II ciklus studija i Terzo Enisa za I ciklus studija, odlukom Vijeća fakulteta broj: 01/6-5158/24 od 05.12.2024. godine, imenuju se novi predstavnici kao u stavu I tačke 8. i 9. predmetne odluke.

III

Ova Odluka stupa na snagu danom donošenja.

Obrazloženje

U skladu sa Pravilnikom o sistemu osiguranja i upravljanja kvalitetom na Univerzitetu u Sarajevu cilj osiguranja i upravljana kvalitetom je osiguranje mehanizma za kontinuirano podizanje kvaliteta na Univerzitetu u Sarajevu - Šumarskom fakultetu odnosno postizanje najvišeg nivoa u nastavnim, naučnim, umjetničkim, stručnim i administrativnim djelatnostima na Univerzitetu u Sarajevu –

Šumarskom fakultetu kroz unapređenje svih procesa i njihovih ishoda. Sastavni dio misije i strateški zadatak Univerziteta je uspostavljanje kulture kvaliteta koja se ugrađuje u sve aspekte djelovanja, rada i opće akte Univerziteta/organizacionih jedinica.

Članovi Odbora za osiguranje kvaliteta donose poslovnik o radu. Mandat članova Odbora za osiguranje kvaliteta traje 4 (četiri) godine, sa mogućnošću ponovnog izbora, izuzev predstavnika studenata čiji mandat traje godinu dana, sa mogućnošću ponovnog izbora. Nadležnosti Ureda za kvalitet definisane su Pravilnikom o sistemu osiguranja i upravljanja kvalitetom na Univerzitetu u Sarajevu.

Ad-9.

Članovi Vijeća Univerziteta u Sarajevu - Šumarskog fakulteta usvojili su jednoglasno Zapisnik sa III. elektronske sjednice Univerziteta u Sarajevu - Šumarskog fakulteta od dana 06.01.2026. godine.

Ad-10.

Prof. dr. Mersudin Avdibegović je predložio hitno sazivanja sastanka kolegija fakulteta a kako bi se zauzeo jedinstven stav o trenutnim prirodnim nepogodama i posljedicama istih, kroz osvrt i na nedavno organizovanu konferenciju. Profesor u tome vidi priliku da se fakultet etablira u nadolazećem biznisu, te da navedeno pitanje treba smatrati multidisciplinarnim problemom koji nije stvar pojedinih katedri. Dekan je upoznao prisutne da je dobio zahtjev od JKP Park da se da procjena zdravstvenog stanja stabala na području općine Novo Sarajevo. Dekan je povodom toga obavio sastanak sa kompetentnim ljudima sa katedri na kojem se razgovaralo o aktuelnoj problematici. Ministar Pandurević je izrazio želju za organizacijom jednog sastanka na kojem bi se dogovarala izrada strategije upravljanja urbanim zelenilom.

Zaključeno je što se tiče nastupa u medijim da fakultet treba da izađe sa zajedničkim stavom, što prije kroz saopštenje uprave kojim će se zaštititi naša struka jer je situacija ozbiljna. Ipak je izgubljen ljutski život.

Prof. dr. Ahmet Lojo je naglasio da se sade vrste gdje god se stigne bez projektovanja, građenja urbanog zelenila, ističući bitnost stručnih osoba i projekata, a što kao problem društvo i vlast godinama zanemaruju.

Prof. dr. Alma Hajrudinović-Bogunić je donijela zaključak, na osnovu čestog izlaska na teren po stručnim projektima, da postoji nedostatak općih informacija o resursu kao takvom. Naime, općinske komisije u saradnji sa JKP Part donesu odluku da se neko stablo posiječe i više se i ne zna da li je ikada tu postojalo. JKP Park se sklanja od dogovornosti kroz postojanje općinskih komisija za sječu. Trenutno imaju veći broj tužbi koje se odnose na naknadu štete usljed oštećenja imovine. Obzirom da naš Fakultet nije nadležan za takve odluke, u tom pogledu se trebamo i zaštititi.

Prof. dr. Sead Vojniković je predložio da se imenuje PR za komunikaciju sa medijima.

Prof. dr. Mersudin Avdibegović se osvrnuo i na nedavno organizovanu naučno-stručnu konferenciju na kojoj su napadani stavovi nauke i struke u izlaganju našeg profesora od strane direktora koji su

postavljeni politički, a koji kao naši studenti nisu bili tako dobri. Povodom toga upućuje apel da se profesori međusobno štite te da imaju dogovoren stav po određenim pitanjima koji iznose kao stav fakulteta i struke.

Prof. dr. Velid Halilović je zamolio prisutne da do kraja januara dostave ZR1 i ZR2 obrasce kako bi se usvojili mentori i teme završnih radova II ciklusa studija.

Prof. dr Alma Hajrudinović-Bogunić je iznijela statističke podatke povodom projekta ERASMUS i same mobilnosti, naglašavajući da je dolaznost veća od odlaznosti, te dala upute svim zainteresovanim kako da apliciraju.

Dekan je upoznao prisutne da je u saradnji sa predsjednicom sindikata upućen e-mail zaposlenicima u slučaju nemogućnosti dolaska na posao zbog vremenskih nepogoda da se jave svojim nadređenim, kao i da posao mogu, u takvim slučajevima, obaviti online.

Redovna sjednica je završena 08.01.2026. godine u 15:00 h.

Zapisničar

Aldijana Bilajac - dipl.iur / viši stručni saradnik za pravne, administrativne i opšte poslove

